

در مساعده پيكي بوسته خانه قاروشو منده  
 اثره مخصوصه در  
 محل اداره:

# مُتَلَقَاتُ قَدِيمَاتِ

دين، فلسفه، ادبيات، حقوق و علوم دن باحث هفته لق رساله در

مسلکمه موافق آثار جديده مع المنونيه قبول اولنور  
 درج ايديلمق آثار اعاده اولماز

اظهار:

در سعادتده نسخه سي ۵۰ پاره در

قيريله دن مقوا بورو ايله كوندريليرسه سنوي  
 ۲۰ غروش فضله آلنير.

در سعادتده بوسته ايله كوندريليرسه ولايات بدلي اخذ اولنوره

مؤسسيلري: ابو العلا زين العابدين - ح. اشرف اديب

تاريخ تاسيسي:  
 ۱۱ نوموز ۳۲۴

در سعادتده	ولاياتده	ممالك اجنبيهده
۶۵	۹۰	۹۰
۳۵	۵۰	۵۰
القي اياقي	غروشدر	

برنجي سنه

۳۲۶ ذی الحجہ ۷ پنجشنبه ۱۸ کانون اول ۳۲۴

عدد: ۱۹

وارد رہے کہ اودہ حدوث و امکاندن، نیزہ اولان واجب الوجود  
حضرت تلی در .

بو دلیل ، ایکی مقدمہ دن مرکبدر . بری « بتون عالم صورتیلہ ،  
اجزاسیلہ ، مادہ سیلہ حادثدر » دیکری « ہر حادثک بر محدثی واردر .  
قضیہ لری در . برنجی قضیہ یہ « صغری » ، ایکنجی قضیہ یہ « کبری » دینر .  
معلوم اولدینی اوزرہ بر دلیلک صغری و کبری مسلم اولور ایسہ  
نتیجہ سنک مسلیتی ضروری در ، بورادہ کبری بدیہی اولدیفندن آتی  
اثباتہ لزوم یوقدر . فقط صغری نظری — یعنی محتاج اثبات — اولدینی  
ایچون آتی بروجہ آتی اثباتہ شروع ایدیوروز :

علم ، اعیان و اعراضدن مرکبدر : اعیان و اعراض ایسہ حادثدر .  
بناءً علیہ عالم دخی صور و افراد ، اجزا و مادہ سیلہ حادثدر ،  
بودلیلکدہ صغراسی بدیہی در . زیرا فی الواقع عالم اعیان و اعراضدن  
مرکبدر . چونکہ عالم دیدیکمزشی برطاقم جواهر و اجسام و آنرلہ  
قائم اعراضدن عبارتدر . تعمیر آخرلہ عالم مادہ و قوی و صوردن و بو  
صورلہ قائم الوان و اکواندن باشقہ برشی دکل در . بونلر ایسہ بلاشک  
حادثدر .

اولا اعراضک حدوثی اثبات ایدهام : بعض اعراضک حدوثی  
بالمشاهدہ و بعضیلرینک حدوثی بالبرهان ثابت در . حدوث بالمشاهدہ  
ثابت اولانلر سکوندن سوکرا حرکت ، ضیادن سوکرا ظلت ، حرارتدن  
سوکرا برودت ، خضرتدن سوکرا حرت کبی عرضدر . حدوث لری  
بالبرهان ثابت اولانلرہ بونلرک اضدادی در . بواضدادک حدوثی اثبات  
ایدن برہاندن مقصد ، طریقان عدم دلیل ڈر . مثلاً : سکوندن سوکرا  
واقع اولان حرکتک حدوثی بالمشاهدہ ثابت اولدینی کبی آندن اولکی  
سکونک حدوثی دہ اوسکونہ عدم طاری اولسی دلیل ایلہ ثابت در .  
زیرا اگر اوسکون ، قدیم اولسہیدی زائل اولهرق آنک یرینہ حرکت  
عارض اولماز ایدی . چونکہ قدیم اولان بر شیک زوالی ممتنع در . زیرا  
قدیم ایکیدن خالی دکلدر : یا واجب الوجوددر و یا خود واجب  
الوجودہ بالایجاب [ ۱ ] مستنددر . ہر ہانکیسی اولورسہ اولسون  
زوالی ممتنع در .

واجب الوجودک زوالی ممتنع اولدینی ظاہر در . زیرا وجود آنک  
مقتضای مہبتی و یا خود عین حقیقتی اولوب مقتضای مہبتک مہبتدن  
و یا بر شیک نفسندن انفکاک ایسہ بلاشک محال در .  
[ ۱ ] بالاختیار دکل .

واجب الوجودہ بالایجاب مستندہ کلنجہ ، بونکدہ زوالی ممتنع در ،  
چونکہ معلولک ، علت موجبہ سندن تخلفی بالبداہہ باطل در . بناءً علیہ  
حرکت کبی سکونک دخی عارض و حادث اولدینی شہد سزدر . سائر  
اعراضدہ بونلرہ مقیس در .

بودلیلہ : — « بو عالم ، ہر شی متحرکدر ، ہیج بر شیدہ سکون  
یوقدر . بناءً علیہ نہ حرکتک حدوثی بالمشاهدہ ثابت در ، نہدہ سکونک  
حدوثی بالبرهان ثابت در ، زیرا ذاتاً سکون یوق کہ بونک زوالیلہ

الحاصل قار نیجہ بغض و مداوتلر ایقاع ، نیجہ آدملر ، نیجہ ثروتلر  
تلف ایتش ، نیجہ خانانلر سوندیر مشدر . علامہ نیجہ بیک مفسد  
و شرور تولید ایدن لم الخبائث دخی نیجہ آلام و امراضہ سبب اولمش ،  
نیجہ جانلرہ قیش ، نیجہ عائلہ لری محو و پریشان ایتش ، نیجہ ایسام  
و ارامل بر اقیس ، نیجہ انسانلری بری برینک جانہ قصد ایتدیروب  
سوزشلی فجیعلرہ بادی اولمشدر . بونکچون جناب منزل الفرقان خیر  
وقاری ، خانہ عجز من ایلہ شدتی انجق در یادن بر قطرہ مثابہ سندنہ تصویر  
ایدہ بیلدیکمز بر بلاغت قصوی ، بر بیان معلی ایلہ نہی و تحریم بیور مشدر .  
خواجہ کائنات علیہ افضل التحیات افندمن « اجتنبوا الخمر فانہا  
ام الخبائث » بیور مشدر . دیگر بر حدیث شریفہ « شارب الخمر کعباد  
الوشن » وارد اولمشدر . داء الکحولک مخرب بشریت اولدینی بوکون  
طباً علم الیقین عین الیقین ثابت اولمشدر . بوکا مبنی در کہ اکثر دول  
معظمہ مسکراتہ قارشو تدابیر زجر یہیہ مراجعت ایتشلر در . فیض  
تأثیر قرآن ایلہ امت محمدیہ بوداء هائلک استیلا سندن لہ المنہ مصون  
و محفوظدر . فقط بونی علماء مجلس علملرندہ ، شایخ خانقاہ و زاویہ لرنندہ ،  
واعظ لکرمسی و عظملرندہ دمام ذکر اتملی ، اصلا فی اموش ایتاملی در لری .  
برکت زارہ اسماعیل مہدی

نفسۃ اشرفیہ :

### اثبات واجب

بورادہ اثبات واجبدن مقصدمن ، کنبہ باری بی تعیین دکل در .  
چونکہ کنبہ باری بی ادراک ، طوق بشرک بالکلیہ خارجندہ در . زیرا  
حقیقت باری بی ادراک ایچون بشردہ ہیج بر آت و ہیج بر قوت یوقدر .  
علم بشرک اسبابی حواس خمس و عقلمدن عبارتدر . حالبوکہ بونلر ممکنانہ  
تعلق ایدہ بیلیر ، بونلرک ادراکاتی ممکنات جملہ سی دائرہ سندنہ دوران ایلر .  
عقلزک ، حسمزک تعلق ایتدیکی شیلر میانندہ واجب جنسندن برشی  
یوقدر کہ کنبہ حقیقت واجبہ دائرہ بزدہ بر فکر حاصل اولہ بیلسون .  
بونک ایچون رسول اکرم صلی اللہ علیہ وسلم افندمن حضرت تلی [ تفکروا  
فی آلاء اللہ ولا تفکروا فی ذات اللہ ] بیورمش ، و معنی اللہین عربی  
حضرت تلی دہ : [ کل ما خطر ببالک فاللہ غیر ذلک ] دیمشدر . بناءً علیہ  
بزم بورادہ اثبات واجبدن مقصدمن آثاردن مؤثرہ استدلال طریقیلہ  
واجب تعالی و تقدس حضرت تلینک موجودیتی اثبات در .

اثبات واجب ایچون باشلیجہ درت مسلک واردر : حدوث ، امکان ،  
غایت ، اختراع .

### مسلک حدوث اوزرہ اثبات واجب

بونک تقریری ایکی وجہلہ در :

اولا : بتون عالم ، صورتیلہ ، اجزاسیلہ ، مادہ سیلہ ، حادثدر .  
ہر حادثک بر محدثی واردر . بناءً علیہ عالمکدہ بر محدثی

برینه حرکت قائم اولسونده حرکتك حدوثی بالمشاهده وسكونك حدوثی طریان عدم دلیلی ایله ثابت اولسون...» دیه بر اعتراض دره یان ایدیلیرسه ، جواباً دیرزکه : — هایدی علامه هر شیئك متحرك اولدیغنی تسلیم ایدلم . فقط جواهر اجسامده کی حرکت ، اعلی اولمایوب ، عرض در . زیرا حکمت طبیعیه ده بحث مخصوصده بیان اولوندیغنی اوزره جواهر واجسامده عطالت خاصه سی اولدیغدن هر جوهر وهر جسمده اصل اولان سکون در . بناءً علیه بتون عوالمك انواع وافرادیله ، اجزا وصوریلله برابر دائماً متحرك اولدیغنی تسلیم ایتسك بیلله مادام که جواهر اجسامده اصل اولان سکون در ، شوخالده آذرده کی حرکتك حدوثنده هیچ اولمازسه حدوث ذاتی ایله حادث اولدیلرنده شبهه یوقدر . بو حرکتك حادث اولونجه بالاده بیان ایتدیگمز وجهله طریان عدم دلیلی ایله حرکت مذکورده دن — ولو که بالذات اولسون — اول اولان سکونك دخی حدوث ذاتی بلاشك ثابت در . زیرا اگر اولونلر بالذات قدیم اولسه ییدی انترك برینه حرکتك قائم اولمازدی . بناءً علیه حرکت و كرك سکوندن هیچ برسی بالذات قدیم وازلی اولمایوب هر ایکسی ده هیچ اولمازسه حدوث ذاتی ایله بلا شك حادث در .

ایمانك حدوثنه کلنجه ، بوده بلا شك ثابت در . زیرا بو عالم مادییه نسبتله اعیان ایکی قسمدن عبارتدر :

۱ — ماده — یعنی جواهر فرده — ویا خود عناصر ، ۲ — بونلردن ترکیب ایدن اجسام در .

ماده وعناصر حادث در . ماده حادث در ، زیرا ماده حرکتدن خالی دکدر . حرکتك حدوثی ایسه اعراضك حدوثی اثباتده بیان ایتدیگمز وجهله بلا شك ثابت در . حالبوکه حوادثدن خالی اولمایان هرشی حادث اوله جغندن ماده نكده حدوثنده شبهه یوقدر .

« حوادثدن خالی اولمایان هرشی حادث اوله جغندن » دیکه . زیرا حوادثدن خالی اولمایان برشی حادث اولمایوبده قدیم اولسه اوشی ایله قائم اولان حادثك دخی قدیم اولسی لازم کلیر . حادثك قدیم اولسی ایسه محال در . چونکه خلاف مفروضدر . برده اجتماع نقیضینی — یعنی بر بسنك هم حادث ، هم ده قدیم اولسی — مستلزمدر . بوا یسه باطل در .

اگر معترضلر من : — « فی الواقع اشخاص حرکات حادث در . فقط بوا اشخاصك نوعی قدیم در . بونوع ، ماده ایله من الازل قائم در . بونده ایسه هیچ بر محدود یوقدر . چونکه بر قدیمك دیگر قدیم ایله قیامنه هیچ بر اعتراض وارد دکدر . » دیه جك اولور لرسه ، جواباً دیرزکه : — نوعك آریجه وجودی یوقدر . هر نوعك وجودی کندی افرادیلله قائم در ، کندی افرادی ضمننده متحقق در . بناءً علیه مادام که ماده نك خالی اولدیغنی حرکات برر برر حادث در ومادام که نوع حرکات بونلرک ضمننده متحقق در ، شوخالده نوع حرکتك دخی حدوثی ضروری در . بو ضروری اولونجه ماده نك قدیمیلله برابر حرکات دخی قدیم اولدیغنی تقدیرده بر شیئك هم حادث ، هم قدیم اولسی لازم کله جکی شههدن وارسته در .

بوجوابجه معترضلر طرفندن : — اشخاص حرکاتك حدوثندن نوع حرکاتك حدوثی لازم کلر . زیرا اشخاص حرکات محدود اولسدیدی اوزمان اواشخاص ایله قائم اولان وانلرک ضمننده متحقق ایدن نوع حرکاتك دخی حدوثی لازم کلیر ایدی . فقط اشخاص حرکات ، محدود دکل ، نامتناهی در . انلرک نهایت بولدیغنی بر حرکت یوقدر که بواشخاصك حدوثیلله نوعلرک دخی حدوثی لازم کلسون ... » طرزنده بر اعتراض ده ادره یان ایدیله جك اولورسه ، جواباً دیرزکه : — اشخاص حرکاتك نامتناهی اولسی باطل در . زیرا بو تقدیرده تسلسل لازم کلیر . تسلسلک بطالانی ایسه بر جوق بر ایهین عقلییه ایله وعلی الخصوص هر درلو اعتراضدن سالم اولان برهان تطبیق ایله ثابت در . بوباطل اولونجه نوع حرکاتك حدوثی دخی شبهه سزدر .

عناصر واجسامك حدوثنه کلنجه ، ماده نك حدوثی ثابت اولدقدن سوکرا بونلرک حدوثنده هیچ شبهه یوقدر . زیرا عناصر ، اجزای فرده دن واجسام ، عناصردن مرکب در . حالبوکه مرکب اولان بر شیئك حدوثی شههد سزدر . چونکه مرکبک وجودی اجزائک وجودندن مؤخر در . بر مرکبک اجزائی حادث اولونجه آرتق آنک حادث اوله جغنی اولی بالطریق در . بناءً علیه اعراض کبی اعیان دخی بلا شك حادث در . اعیان واعراض حادث اولونجه بونلردن مرکب اولان عالمك دخی حادث اولدیغنی ثابت اولور که مطلوبده بوایدی .

مابعدی وار موسی کاظم

2008-2004

بر مرتبه

[ هنوز تو بهار شباننده ، اون طفوز یگرمی یا شلرنده ایکن بوجهان ظلمته وداع ایدرک عالم نور انور دیداره یوکسلن یارجام ، برادر وجدانم حلمی حقیقده ]

نهایت اولدی نظردن نهان اونور مهین ،  
پینده قالدی افقرده بر خیال دغین !

زوال ، او امر طبیعی کماله در پیدر ؛  
فضاضه یوکسلن انجم اولور افوله قرین ؛

فقط بونجم امل صانکه برق خاطف ایدی  
که بردن ایتدی غروبیلله افقی لیل آکین .

تنزل ایتدی ناسوته ، دوندی لاهوته ؛  
کینه پایه اجلالی اولدی علین .

خیالی یاد حزنیمده ، روحی بالا کرد ،  
وجودی بستر مقبرده اغتراب کزین ..

تحلل ایلدی کویا اونور یکپاره ،  
نکا ، بارقه بین اولدی برده خار قدین !

بر آسمان جلالک محیطی اولدقجه ،  
نظرده عرش ایله یکسلن اولورسه چوقی زمین ؟